




菩薩訶色欲法

四品學法

大虛空藏菩薩念誦法

仁王般若念誦法

後秦三藏鳩摩羅什譯

宋求那跋陀羅譯

唐三藏沙門大廣智不空奉詔譯

菩薩訶色欲法、四品學法、大虛空藏菩薩念誦法、仁王般若念誦法



清刻龍藏佛說法變相圖

四法同卷

葉八

菩薩訶色欲法

四品學法

大虛空藏菩薩念誦法

仁王般若念誦法

菩薩訶色欲法

葉八

後秦三藏鳩摩羅什譯

女色者世間之枷鎖凡夫戀著不能自拔女
色者世間之重患凡夫因之至死不免女色
者世間之衰禍凡夫遭之無厄不生行者既
得捨之若復顧念是為從獄得出還復思入
從狂得正而復樂之從病得瘥復思得病智
者愍之知其狂而顛蹶死無日矣凡夫重色
甘為之僕終身馳驟為之辛苦雖復鈇鎖寸
斬鋒鏑交至甘心受之不以為患狂人樂狂

不是過也行者若能棄之不顧是則破枷脫鎖惡狂獸病離於衰禍既安且吉得出牢獄永無患難女人之相其言如蜜而其心如毒譬如停淵澄鏡而蛟龍居之金山寶窟而師子處之當知此害不可近也室家不和婦人之由毀宗敗族婦人之罪實是陰賊滅人慧明亦是獵圍毆得出者譬如高羅羣鳥落之不能奮飛又如密網衆魚投之剝腸菹肌亦如闇坑無目投之如蛾赴火是以智者知而遠之不受其害惡而穢之不爲此物之所惑也

菩薩訶色欲法